



UNIVERSITÄTS-
BIBLIOTHEK
PADERBORN

Davidis Regii Prophetae Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs LVIII. Si verè vtiq[ue] iustitiam &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*Se Cælos super hos efferat optimus,
Qui nutu regit, & sidera condidit,
Ac terras Domini gloria compleat.*

PSALMVS LVIII.

Si verè utiq; iusticiam &c.

Dicite iustitiæ custodes: *mutanè vobis
Lingua sit, an verbum nesciat ista loqui?
Dicite, num vester cætus diiudicet æquum?
Cui dedit in terris iura vicesq; Deus?
Imo obfirmati in populo patris iniqua,
Pergitis & manibus contemnerare bonos.
Nam peruersa manet mens reproba matris ab al-
Errant mendaces matris ab uberibus. (uo
Tale illis virus, qualis furor aspidis, aurem,
Obstruit aduersus carmina quando suam.
Horum tu dentes, Deus, ò confringe molares
Acres, quos catuli more leonis habent.
Diffluere incipiant, labens ceu leniter amnis:
Ipsorum feriat fracta sagitta nihil.
Ut limax pereant, vel vitam funere linquant,
Fætus more, ortum qui perit ante suum.
Horrida non citius reuifescant vere dumeta,
Quam*

Quàm subito hos rapiat feruor & ira Dei.
Gaudebit iustus, conspecta vindice dextra,
Hostili tinget sanguine quando pedem.
Tunc homines dicent: sunt & sua praemia iustis,
In terris Iudex nam sedet ipse Deus.

PSALMVS LIX.

Eripe me de inimicis meis, &c.

ERipe me, Deus alme, & ab hoste tuere potente,
Qui ferus intentat tela necemq; mihi.
Eripe ab insidiis, qui cade & sanguine gaudent,
Et vitam à reprobis assere quaeso meam.
Namq; animæ miseræ sua subdola retia tendunt,
Opprimere in fontem viq; doloq; student.
Me præter meritum cursu insectantur equisq;
Tu mihi succurrens, me tue are tuum.
Qui regis Israël Dominusq; Deusq; Zebaoth,
Euigila, ut gentes visitet ira tua.
Non illis parcas, neq; te miseratio tangat
Ullius ex his, qui facta nefanda patrat.
Nocte sub obscura fædis latratibus urbem,
Esuriens repleat natio, more canum.
Murmura vana cient labiis, gladiosq; loquuntur,